



KOMUNIKADO PA PRENSA

Fecha

10 Maart 2014

Email

nathalie.martina@gobiernu.cw

Nr.

MINISTER BALBORDA TA FELISITÁ RADIO HOYER KU KUMPLIMENTU DI 60 AÑA

Willemstad –Minister Earl Albordá ku entre otro tin den su enkargo telekomunikashon ta sumamente kontentu i orguyoso di e hecho ku Radio Hoyer ta kumpli 60 aña.

Esaki sigur ta un logro grandi, un radio emisora ku ta brinda ya pa 60 aña servisio na su pueblo di Kòrsou no ta algu ku nos ta kontra tur dia. Aparte di ta deleitá nos ku un bon variashon di músika tambe radio Hoyer a sabi di eduká nos pueblo dunando informashon i formashon tur dia di nobo.

Ta un arte pa trese notisia verídiko i al kaso tur dia di nobo, alabes dun'é tambe e toke di positivismo ku nos tur tin mester tur dia. Minister Albordá ta spera di por konta ku Radio Hoyer pa hopi “60 aña” mas.

Pueblo di Kòrsou por sigui tur último desaroyonan di Minister Albordá di Tráfiko, Transporte i Planifikashon Urbano via di su página di Facebook ‘Earl W. Albordá, Minister VVRP’.